


南海先生集

初編

燧

昭和  
1387  
1

早稻田大學附屬	
圖書館	
寄第一	
漢詩文	
第 415 號	
第 1 卷	
此書館不外許帶出	



和16  
1387  
卷15



集南海源先生文集



元氣之流行在天也日月星辰  
風雲雷雨其昭矣也在地也山川  
草木禽獸蟲魚毛著之也故天  
地之文施之四時以子美吉昭乎  
可見也其於人以禮樂制度宮室



善服其形者也然天之象之純粹內  
蘊精氣亦微而動靜云為之間  
其繁然者表之可見矣夫文者一  
大器也故古聖人仰視天象俯察  
地理制之禮樂以御家邦修之文  
辭以詔久遠是以虞夏商周之

典經諸子百家之載籍凡後代  
筭考彙之官由事託物而垂勸  
造化位育萬物功也是故信古好  
學之士不由於他者之能以臨聖人之  
奧室又不可以傳斯道於無窮也  
苟如此則為其器而大矣哉

李海源先生僕之鄉人也分之東  
都嘗從學於恭靖末公之門其  
敏捷穎悟若白石源先生南天孝  
山兩表若伯陽暨當時稱賢所  
福嘆目之以為今世之賈生矣  
先生遂襲祿以仕于家

南藩方其在友於簡取激之中  
恬淡靜虛心樂自足故名望日  
隆聲譽益集筆前以女善守者素  
者可知矣予僕與先生幸有通  
家之好又蒙不憚為始二十有五  
年焉因輯先生之文錄為卷子


冊將以謀同學而傳之新是僕之  
 志也蓋先生作為文章以誦  
 授雖千萬言未嘗立稿是以僕  
 之在斯舉也凡貸多方漸寫來  
 帙僅十二焉可嗚呼豈  
 南藩地接

天府之旌  
 金城之固大川浩流沃野膏壤  
 海岷西幸山岳表東北極山有  
 明媚居民豐富竹木魚鹽果布  
 毛革之饒金銅銀錫珠玉美  
 以甲乙之宜乎大人君子  
 出於

此土地氣之所致寔不可誣也抑  
先生於斯文亦有然乎而  
先生之文章炳然於成儀容貌之  
間非朝夕親炙於其側者不能悉  
盡焉若夫天人一體焉禮為文讀  
者勿以一班而廢全豹則可也干時

元文紀元十一月庚寅

岫巖田中由恭謹叙



平相如書





曲盡其變。塞芳咀腴。揚芬吐豔。豔其氣弘以暢。其風瞻且靡。其詞和以雅。與他文士。依傍人門戶。不能自立。闡奧。踏龍衣。一二殘膏剩馥。然自命者異譏。然此天下所知。何舉誦之耶。予不言而祇自見矣。今記嘗

所聞為序。君少年時。就靖恭木子學。亦予一日。書詩題各十。為一包。使賦之。每一包成。與一包。暫時數滿百。其才俊敏捷。天挺人驚。如此也。正德初元。三韓聘价。宴未。鴻儒碩士。布滿寓館。各以詩為執。與其



詞人相接。贈答悉。乎盛。天實  
與焉。才俊雲蒸。林。韓人  
精力索然。不強抗。流弊實於  
世云。今所梓以者。傳諸後。為  
備天下之大觀。云爾。

出音

安永丁酉上元後三日

伊之藤長堅

謹并書





詩處且上木之禁家訓有烏敢辭余無言  
而退竊謂其小著數種既已刊行雖成傳  
播之手而非家自出惡在其累名德而况  
於其創語宏壯高華雋逸竒拔以矯輓近  
俗習者題垂裕堂詩後語可以見已如何  
不藥石於世而收畜之為今茲書賈某之合

謀將鐫其集請余校正是田中履道所輯錄  
蓋全集三之一云履道親炙先生是以當時  
諸子評語品題併錄之其意豈獨自珍乎  
哉余受讀之使人彷彿當時聞其聲咳嗟  
乎履道亦既亡矣此舉也死者而有知先生  
其或冷咲于地下乎履道亦或當吞氣吐

履道我成爾之志尔志即我之志也世之私  
泐先生而詩視先生則非吾徒也力學精勤  
而後謂之為先生之徒耳然則力學精  
勤實祇洵氏傳授心法學者不可不知也  
時安永己亥夏六月浪華葛張撰

友人 筱應道書



南海先生文集卷之一

紀府 田中由恭履道輯錄

浪華 葛張 子琴校閱

詩

風雅

挺三章

挺之竹兮在彼紀南何此人兮其志二三  
挺之竹兮在彼紀林何此人兮八九其心  
挺之竹兮在彼紀谷何此人兮億兆其德

孔雀之尾三章

孔雀之尾孔脩有餘豈敢奪女女反妬予  
孔雀之領憂心欽欽豈敢負女女有褊心  
孔雀之羽憂心且懼惠然時笑不如見怒

四言古

題柳下惠像

夫子之德如酒如玉夫子之量海闊河蓄三仕三黜  
同塵混俗愛鼎納女可仰難學惟惠惟和要在一直  
題國醫壽軒先生肖像兼寓賀忱

蒼顏鶴髮眼碧眉龐清癯傳竹堅貞儼松術走彭堅  
學究羲農俗醫鍼砭名世巧工園杏日茂鼎丹霞紅  
行享天福介壽維嵩豈帝家慶千歲民雍

五言古

浴龍泉途中作

出郭纔十里物色便不同甘雨溢畎澮宿雲帶遙峰  
早梅飄晚素舊林間新紅籃輿畏石磴步履憇琳宮  
處世固紛糾微官疲鞠躬奇服俗所眩不材毀所叢  
探討銘夙昔天姥夢常通欲攀神樂巖赤松庶相逢

賴有濟勝具，獨往途未窮。歎息謝康樂，跡同意不同。

龍神泉

必沸陽泉水，何歲稱龍神。天地以為爐，陰陽以為薪。靈液始融化，既清且以醇。丁女慕壬夫，來嫁嬪于辛。帝曰吁嘉汝，家道睦且親。其與我藥石，為台濟時臣。甘露及沆瀣，鹵鹽與汞銀。永以錫汝類，孰與女之仁。朱鳶祝融墟，赤水天河滸。丹崖高千尺，飛流懸垂紳。蘭湯暖吐玉，綠霧香襲人。潤槁煦枯朽，生氣頓津津。出非女有餘，入亦非女貧。既莫知厥始，所終豈有垠。

彼驪山之壯，曾辱於唐秦。醴泉甘不醉，貪泉與盜鄰。欽女龍神泉，足以利吾民。幽僻豈居陋，至寶元深珍。我病既已洗，誰與浣其塵。

古詩

既不顧破甑，豈復憂失馬。悠悠天地間，禍福何為也。裘以禦汝寒，葛以當盛夏。靈臺原豁然，一任造物者。風簪賦得下山逢故夫，辭林水韻賦得下山逢故夫。上山采蘼蕪，下山逢故夫。蘼蕪尚有香，夫妻情豈無。枕席成胡越，容顏今已殊。新人未諳性，好慎奉舅姑。

送田藍田遊京師

君去薜蘿綠，春水又盈盈。孤琴從東道，千里向西京。  
夙管烟霞想，而今探討情。請待桃花水，歸棹向江城。

古風

西家有鸚鵡，情愛非必敦。一朝賣東家，價以百萬論。  
金籠迎鸚鵡，鸚鵡泣且言。西家貧無餐，東家富且尊。  
我寧西家饑，不受東家恩。越燕棲華堂，歲集玳瑁梁。  
珠翠常來去，綉幕時頡頏。豈思華堂廢，主人去海荒。  
燕也憂不啄，呢喃遶梁牆。飛飛逐海雲，羽毛悉摧傷。

寧憚江海險，終身主人傍。甘苦不顧榮，兩禽各抱貞。  
更有代北駿，玉勒駕代王。代王一入漢，代馬不在行。  
仰食雲中秣，何必望未央。漢甌固已美，漢粟固已盈。  
若視盈與美，恐溷我廉清。須安北風性，不向漢宮鳴。  
貧賤不可辭，富貴豈可追。二禽與一獸，念茲亦在茲。  
志同行各殊，難以一律期。

詠孔雀

孔雀生南越，五采何提提。十步一顧影，五步一顧尾。  
致君玉堂上，恩愛無所比。珠玉為我籠，稻粱為我餌。

竦尾為君舞滿堂誰不喜竒珍世所疑竒服人所指  
一朝被讒言恩愛不可恃毛羽非異初君意已非始  
未能從鳳翔寧為野田雉

贈對州兩森伯陽

竒峭而不朽文章所以美書之可誥命詩之可怨刺  
昭昭千萬世與日月不墜聖人豈好竒固不得不爾  
嘗怪時之人剽竊自為異如彼隴山鳥人語不能自  
或曰文無異同知皮未知髓或曰必平淡抱腐鼠囊  
枯舐粗糲雖可食孰與大牢貴或誇其博或銜其綺

麗揚子謂兒戲遂非丈夫事剪裁無完衣彫刻無完  
器左腴與馬逸韓愈又已矣當今知斯言惟伯陽焉  
耳伯陽之所能時人聽之如充耳時人之所嗜伯陽  
草芥視神龍之出水變化豈犬豕鳳皇鳴朝陽不與  
蜩噪比吾觀時人文可謂足錄記謂之傳不朽頷之  
我尚未吾以之語人人若馨遇劓我不得伯陽肝膽  
向誰示嗚呼伯陽氏有文秘金匱

遊東巖做常建體

兩歇菰蒲綠湖上水雲晴朝烟含柳暗春水帶花生



居世寡游豫，獨往尋孤清。遐想究探討，杳然辟蘿情。  
 秀翠杳可摘，溪湍玉琴聲。流憩藉芳草，松花落雪輕。  
 中林時一酌，復此啼鶯拂。衣移坐去日，午山鐘鳴。  
 浩歌出宇宙，放曠忘簪纓。而吾銘夙心，孰與葆其貞。  
 紫芝如可採，餐霞臥赤城。

春暮遊城西

四望烟霞地，孤亭水木清。尋雲躋曲榭，披樹指層城。  
 犬吠源頭客，鶯和谷裏聲。行歌憇泉石，散髮遺簪纓。  
 何必求傳侶，宛然鸞鶴情。

南山先生曰：此篇婉麗溫雅，王昌齡常建之骨髓。○松浦霞沼曰：文字正是唐人體制，即

漏盡菴六景為烏石山人賦

六景在京師東山

稻荷社

神門臨大道，元午最靈辰。祀典踰羣社，三燈福萬春。

楓杉青錦地，更宜吟望人。

三燈見後拾遺神詠。○楓杉用周防內侍歌意。

東福寺

惠日山

蘭若洛之東，惠日上山頭。石井漱甘露，巖楓繪素秋。  
 虹橋天路近，月娥時來遊。

大佛閣

佛理無小大，幻造示方廣。天日照玉毫，飛霞遶金像。蕭相未央營，今古壯帝壤。

清水寺

山無峻嶺秀，寺有清水名。允哉楊柳水，日夜噴潺瑯。願言八功德，併此濯塵纓。

將軍丘

桓武相攸年，神甲鎮皇州。鬱彼一丘松，萬古復千秋。不同白帝子，金人適鑄仇。

智恩院

號華頂山，享保初，余與友人題名于此。

華頂真淨刹，遊踪憶曾題。鳥歸人影外，花落鐘聲西。誰知紅塵場，春寂山寺齊。

七言古

雨暘行

嘗怪世人常愛暘，暘久則亢亢則旱。旱則穀爨矣，則民饑。則雖有酒，吾得款。疋哭巫號，天曠曠誰能為我製。萬里火雲傘，雨乎終朝。吾亦惡，今急於渴於冰。益浴彼滂沱之師，旬月天衢鏑雲館。時梅時液，時狂暴驟。

霧挾瘴使吾痺，賜乎霖乎大過爾。若能得節乃坦坦，由來兩可造物慳。奈何一長與一短，雩宗昴宿相會。謀下民未必左右袒，人事皆然歌云闕。逸豫君且及酒滿，第三第四句用孟子不紆則不得食則將紆之乎之句法旱字穀燥矣字民饑字再疊成句

老矣行

日居月諸何奔軼，老矣吾且藏我拙。誰使吾耳夜波濤，誰使吾髮夏霜雪。左不記右七誤，八六神三魂招。無訣雞皮鶴骨魁，其面汝寧獻媚孰為悅。老壯之言固妄談，我不與容猶冰熱。東隣妖媪尚效顰，夜買燕

脂佩雞舌五十無聞，可以已。嗚呼老賊聖所罪，君不見廉將軍使者笑，一飯之間三遺屎。

贈對州松浦子儀

磊落霞浴子於予，舊同道同學又同年。交情豈管鮑相知已來四十年，于今鬚髮兩皎然。憶昔匡廬讀書處，風雨紅燈連牀眠。又憶章臺走馬日，紅顏照曜桃李前。東山攜妓春草綠，牛渚方舟秋月懸。轟飲百斛氣如虹，不惜日費千萬錢。醉後大言驚四座，興來雄筆掃九天。傲睨宇宙高歌裏，世人觀者言是仙。意氣

豪華已云云誰知世事變浮雲別來秋兔二十設一  
燕一鴻泣離羣中間邂逅鴻臚中亦值王事更紛紛  
中情未盡君西歸我獨南去落葉分爾來參差若相  
避音書渺茫那得聞回首往事渾是夢舊遊十九草  
生墳一二存者亦如此安得百憂不如焚四海兄弟  
良虛語休笑淚沾兒女裙君家貞媛一片石望夫山  
頭千古魄離恨哭天天不諒古來覆水難再酌爲之  
更傾三百杯生涯不知何時覲但喜昏嫁君已了身  
騎白鹿手採藥名山到處應終年飄然或懸煙海席

嗟我世網脫未得夙心空負鹿門約臨風裁書言難  
盡悵望海天暮雲碧

次韻和木滄洲院長白雪篇

顰林壑斂烟霏澤腹癥痕蚯蚓結冥項鍊驪驕不飛  
歛吸霄雪降玄穹月娥剪素寶婺機銀灣瓊巘遶瀛  
渚屬玉胎禽失匹侶鶴哭蟻垤成堤封五城更重十  
二重水晶宮瓦不見縫朝參瑤墀珠履蹤殺氣喫負  
魑魅幽層冰泐裂過潺淙嫺鰥何地逐金丸征夫空  
思煖玉鞍斷鰲屠龍汗女媧未必能易炎與寒君不

見孫家御史映日檻樓薄如烏絲欄又不見金屋  
 紅爐肉屏熟未裂錦純寄綺端兩珠未如雨金粟六  
 出天花不堪餐南州鉅公木玄虛雅量與海爭廣胖  
 泮水芹香明德潔職居樞機策治安白雪一曲出常  
 調豈比驢背舸底觀公餘對雪興嚼蠟萬井寒烟晨  
 舉難獨有白頭忘帝猷寒而不歡醉即休君時總  
司學館

蠻椒

蠻海炎雲凝不流朱實離離滑油髹穉龍角蛻濕拳  
 曲朱鸞懸紫珊瑚鈎船傳今方百餘夏只恨薑桂香

難借試將世味來相比刺吻裂舌甘於蔗

烟酒歌

非酒非茗誰始栽吸煙餐霞倚仙臺金刀剪出流蘓  
 蕊玉管製成碧篔簹杯一條冲天蟾跳梁半壁雲蟠龍  
 徘徊大環小環相連絡芳心可憐成死灰青州從事  
 誇醞醕旗槍森森帶酪奴鳴鼓來攻汝何功有能具  
 陳否則誅既不能使人醉飽解渴掃憂汝能不我祖  
 自夏自晉唐汝本孰生蠻與胡飛言蠶起不可辨烟  
 兮烟兮援者誰南海丈人詩脾熱冥搜毫芒入鬼窟

意如野馬空中游，耳不聞雷目兀兀。一斗太醺七椀，  
淡烟也一吸，開壹鬱仰天吐氣如長虹。竒幻神怪呈，  
彷彿再吸句成三，吸章成手擊唾壺。嗟咄咄須臾百，  
篇神可泣。此時登壇知誰屬，麴蘖由來足狂藥。王家  
水厄固堪袂烟酒，無用君莫黜人間有用知何物。

丁未中秋與諸子泛明光浦

明月何月不三五，天時何歲秋不中。唯此良宵清影，  
多今年幸又無颶風。煙消雲盡江天晚，斜陽西沒金  
霞紅。凜然明鏡髮可鑒，露濯桂香沁蟾宮。此時良約

不愆期，此夕良會四美同。地上何處無好山，天下何  
處無好水。不如江南山水美，山秀水明絲雲裏，琴浦  
洲前白練開。玉津宮外金波起，雙雙宿鷺依苔磯。行  
行新雁落蘭汀，城中何人不上樓。城外何人不登舟，  
不知誰家能望月。不知何人能解遊，賦成空想西園，  
蓋繁絃急管徒嘲啁。豈如交場人如玉，倚欄水閣看  
白鷗。半夜長風天上來，吟鬢颯颯不可留。月華高昇  
金剛峯，直命蘭橈放中流。興逐星槎凌霄漢，身生羽  
翼度瀛洲。浩歌酣飲出塵埃，岸上人言李郭儔。啣杯

向天仰大笑，明月落杯河。影浮使君特，贈紫錦鱗兼。  
 之玉醪紅新，筍高僧亦頌。香積厨石花雲芽，秋菘柔。  
 佳期如此人，不醉嫦娥笑。人空白頭，不惜十千盡復。  
 賒為君掃盡萬古愁，君不見治承丞相氣如虎，遷都。  
 自謂開天府，南渡衣冠鄉。夢冷掉月淡，島及明浦借。  
 問人與月孰有無，唯聽蘆荻風。今古人生歡樂奈老，  
 何。悵望斜月沈江波，嗟我安得虹蜺長。萬丈躡作天，  
 梯挽回玉轡於金樞之阿。

此夕久野君馳使賜鯉魚及美醴養珠寺隆上人聞予船過門前贈行厨

紀三井寺八景

明光夜鶴

明光浦上夜潮秋，孤鶴弄影自丹丘。霜露滿天何處，  
 宿兼葭擊岸誰家舟。月明驚回青田夢，長鳴一聲風。  
 吹送我將吹笙向海月，三山與汝逐丹鳳。

琴浦秋鴻

八月九月蘆花舞，三點五點鴈下渚。疎雨夕陽秋影，  
 澹相喚相呼不迷處。好將山水試商量，無意水田逐。  
 稻梁飛來故宿琴浦，月碧水明沙夢瀟湘。

玉津月明

蕊珠宮殿月灩灩，金蛇萬條波間閃。西風颼颼環珮鳴，湘篁夜泣露堪染。翠華不返人代非，惟見宮前秋月暉。帝娥夜永夢如水，清寒猶透舊宮衣。

西海帆影

海天潮平鏡面靜，雨低日恬心杳杳。海門風飽滿腹秋，天上月分半輪影。未必見飛唯見移，遠帶寒鴉近帶鷓。范蠡一去五湖渺，更破烟波知是誰。

潮撲山門

朝曳青草湖上杖，暮鼓白浪江上槳。須臾潮頭捲沙觜，鼉鼉眩惑蛟龍恍。勢撲山門涵果戩，金碧動搖翻石磯。欲見桑田爲碧海，君看山門潮撲時。

泉噴磴道

百二十餘級磴道中，湧清泉鬼神造。天上冰霜凝玉壺，地中精氣洩金寶。六月雲峯捫蘿登，噴玉漱瑤筇。泠泠饑渴已療塵，想濯功德固信八皆能。

松汀曉靄

松汀欲曉杳靄靄，淡掃輕籠多意態。千樹萬樹羅縠



中波濤不起聞欵乃君不見中嶽外史水墨神烟雲  
縹緲誇天真倚欄吮盡金壺汁扼腕松汀曉靄春

鹽舍暮烟

斥鹵殊愛多閒暇戶煮海沙利於蔗牢盆煎雪水精  
寒村烟微微遶茅舍海嶠雲斂斜陽含翠籠海樹帶  
晴嵐土人自安膠鬲業潮去潮來鷗相語

咏紅梅

花名未開紅在京師誓願寺官女和泉式部古物

美人在時人如花美人去後花似人花尚呼成未開  
紅人去難逢三五春東風夢覺悄無語枕痕潮頰朱

未勻腸斷春去花亦老紅雨狼藉撲錦茵

送鶴渚橘雅盟東行

去年花落迎君處今年花開送君去人生百年半別  
離縮盡楊柳幾枝枝離筵有花又有酒請君更盡金  
屈卮休道鄉夢無近遠枕上關山更多岐

遊東台寄石梁子

天台之山絲霞生赤城瑤闕綠樹間石作屏風八九  
疊芙蓉影落倒可攀遙憶城西石梁君家嘗湖上對  
湖雲一去山中仙侶盡與君何日問鶴羣

觀鎌倉圖歌

鎌倉之山金湯固萬古神光龍虎秘  
拚吭拊背關八州傳是源家霸王  
地嗚呼五六百年來天地草莽王  
風頽海湧雷震帝赫怒豺狼吞噬  
神鬼哀旌旗紅白何紛紛九州八  
島鹿逐羣玉璽金鏡空睥睨有罪  
無罰賞不分乾旋坤轉運命周  
獻俘傳首入塞秋天書挾羽疾如  
箭茅土始頌萬戶侯判官曹子何  
爲者麒麟閣上功不寫兄弟急難  
猶閱牆寶鼎英圖豈人假雄風一  
掃靜萬方霸圖嚴壯捲扶桑離宮  
別殿上連

天西接龜谷東鶴岡龜谷鶴岡鬱  
龍蔥乙帳甲第金與張雕輿一去  
絕音塵美人宮中花草春柳營將  
王紉袴溫九世平相弄國鈞天子  
西周下殿拜誰知元弘皇風新東  
兵一入肝膽塗一門百家作荆榛  
自西來者誰家子手捲雲山拂烟  
水君不見富貴榮華如朝露蝸角  
鬪爭空荒壘歎息又歎息畫兮圖  
兮不忍視

相逢行

相逢江都陌論交鞍馬前  
笑買壚頭酒不論斗十千

世人嗜酒皆嗜味，高趣惟爲我輩貴。世人結交皆市道，我輩結交惟意氣。斗筲豈是海水器，蒼蠅空自附騏驥。尊中新醅真珠紅，眼前相遇無所避。霜華夜飛清江白，西風颯杳木，葉墜舞劍擊。壺氣如虹，仰見飛鴻天際至。傀俄磊落玉山頽，莫論英雄心中事。鯨鯢元非池中魚，豈與俗物較區區。腰下有三尺之劍，胸中有萬卷之書。何處不立萬世功，男兒不歌出無車。門前將迎亦太勞，生前富貴亦秋毫。君不見馬伏波，功成壯健柰死何。又不見翟廷尉，賓客散盡雀可羅。

爲之嘆息，人間世不如萬事擲。流波金盤銀燭，且及時。吳歌白紵一任悲，侍女新勸金屈卮。爲君千慮醉莫辭。

詩畫歌

詩所不能言，畫以盡其態。畫所不能寫，詩以得其解。無聲詩無形畫，一生於我足稱快。雖然詩畫非自成，陳玄毛穎功相對。我今若不得二子，雖有詩畫何處配。吾於二子更有感，功成局終却自晦。丹青別開清虛府，世間粉黛固覺穢。明牕淨几好風月，我所欲得。

自然在方壺員嶠及洞庭天台雁蕩嵩華岱靈場名  
區眼底來赤松洪崖倚肩背明出月脇幽入鬼窟天  
機勃勃驚怪怪萬影秋涵月川川萬境如來夢靄靄  
變幻手弄大造化誰言斯身在宇內解衣盤礴吟且  
寫何異須彌之在芥灰生逍遙色相中神趣超然色  
相外若離色相以論道豈是達者上乘輩如亦志在  
傳與名天機物趣脫然逝我言詩畫佛亦云光明遍  
照十方界

題自寫墨竹五首

四月朱明宿雨晴萬玉蚪龍特地生南風一夜解鱗  
甲箇箇雲仍脫錦棚百丈干雲旬日間萬竿風起鸞  
鳳聲君不見甘羅楊烏皆夙慧肩與戶齊名不繼顏  
氏之子今乃亾天公原恠化機泄新竹誰知能耐久  
雪霜不渝歲寒契玉樓才子留不停昌谷新竹露青  
青

新竹○李賀有  
昌谷新竹詩

虞帝南巡不復還千歲遺恨湘水間蒼梧雲深雁影  
暗竹上啼痕空斑斑孤舟夜宿烟水浦萬竿秋倚白  
雲塢客心半夜夢難成鷓鴣啼斷枝枝雨

雨竹

森森寒色玉爲條，劍拔挺然氣迢迢。何待製成龍鳳管，已能萬丈入雲霄。白雲一片朝復夕，神龍藏首無人識。若使剛風拂白雲，山靈文勒北山北。

雲竹

清風一陣天上來，颯入窻前脩竹林。隔溪簫管何處起，度水蛟龍時一吟。清涼先入幽人夢，踈韻不驚枝上禽。湘雲老人踈嬾甚，不學子猷訪山陰。簟波簾影高臥穩，吟髻蕭蕭洗塵襟。興來爲亦拂絹素，果免竹所藜杖尋。

風竹

六月炎熱醉如醒，清涼何處寄吟情。賴有牕前碧瑯

玕，嬋娟涼蟾一鏡明。風葉參差篩金影，龍枝蟻蛭送笙聲。湘簾高捲暄埃絕，枕簟流光碎瑤瓊。靈和殿柳休誇美，梁苑平臺空有名。醉臥不知月轉欄，中庭白露清曉橫。羲皇上人未得知，願留清光莫西傾。

月竹

新井使君六十華誕恭製一律以具祝壽且裁此篇奉贈併述鄙衷

白石先生天上，仙身騎麒麟。下九天，三十六帝留，不得天風吹衣颯。翩翩夕憇扶桑，倚東壁。夜煉白石餐紫烟，往往吐出天上語。人間聽者耳茫然，硯池傾瀉

天河水織女雲錦鋪作紙紙上須臾萬言成華嶽突  
 元海濤起鬼愁神嘖造化拙戲奪霞胎繫雲髓清如  
 秋娥泣湘竹竒如韓信破鉅鹿我昔驂彼雙白螭攀  
 登仰掣紫雲霓夜扣帝閣闐無人公一相見手扶持  
 文章於公誠餘事願為蒼生肉瘡痍金門朝鳴珠勒  
 馬封事夜奏治安策韓之使者執玉帛血面爭禮頑  
 如石公歷西階摳衣升軒軒如霞舉屋額腰帶紫陽  
 太守印眼如紫電髯如戟按劍叱叱殿柱震使者膽  
 竦喪其魄擊劍歌成血吹霧機鋒觸處皆辟易禮成

樂奏賓主歡 王家寶典與日赫日弄蘭生似兒孫  
 魯連毛遂皆僕役千古功業與文章何人如公兩相  
 將但恐心事為 國苦秋來鏡裏幾莖霜萬戶之封  
 天空吝為霖為雨久瞻望一別東南參商隔楚山四  
 見青楓黃關河有鴈音信少江海無路夢魂長何時  
 綈袍一相報桑下之祭不可忘

辛卯歲韓使朝饗之日客謂公曰嘗聞貴國  
 多長於擊劍之技者今可得幸一觀公曰觀  
 之不可遽辨吾今為客說其涯畧席上  
 作擊劍歌一篇以示篇中有血吹霧字  
 此篇達于東都公書答曰今年生日開宴雨  
 伯陽室師禮諸公咸集贈篇成堆木菊軒序

尤典實，土肥五十韻出於眾作，師禮至覽此篇，拊掌歎賞曰：南海此篇非特今日之壓卷，至文章於公誠餘事，願為蒼生，實瘡痍，朋友切瑳之言，恐太白未可至也。然而予於今日，宋之一字如，何擔得云云。

篆隸歌寄贈崎陽彭城生 并引

嘗聞彭城君善篆隸，但恨相隔數千里不能親見焉。今年之秋偶獲覽其所書八分及垂露數幅，欣慕弗止，聊作歌以贈。

君不見晉時程蔡皆已墳，天下俗書何紛紛。晉唐小楷猶苦窳，寧辨垂露與八分。彭城劉子崎陽生，能書

得古肉并筋，剡溪精藤瑩如玉。轉腕清風運郢斤，須臾蛟龍辟上躡。墨色老蒼吐麝芬，大字瓠落大如斗。沙漠縱橫破千軍，銀鈎鍊畫秋欲鳴。戈電劍芒掃霜氛，小字闌干垂寶露。珊瑚碧樹藜芸芸，天祿丈人植青藜。河漢錯落星斗文，崎陽於華只一葦。臨池之技皆精勤，先有林榮後高岱。即今惟君出其羣，從來奇珍難家得。風流為誰題練裙，華人往往亦舶去。得一紙易千纁，我家屏障三十年。粉素空施塵氤氳，未逢能者無隻字。光輝茅屋惟有君，誰為西捲海風去。

吹送毫頭滿紙雲

附彭城生和韻

姓劉名游龍字雲溪

珍重先生富典墳，天花錯落艷紛紛。  
 帝上珠璣贏六代，筆下精神有十分。  
 遠視麟翔與鳳舞，近觀柳骨與顏筋。  
 愧予小子塗鴉學，遮莫班門弄斧斤。  
 疎賤未窺鍾衛蹟，毫芒無計發馨芬。  
 觀君緩驟南宮巧，竒正相宜得右軍。  
 腕力筆華虹吐綵，臨池潑墨絕塵氛。  
 土樹臨風神皎皎，幽蘭媚谷秀芸芸。  
 未泛山陰親几席，先承圭璧奉翰文。  
 於今洗卻蔓藤枝

臨劬如椽日就勤，嶠陽雖有先賢輩。  
 誰敢干君擬共羣，邦畿俊乂諸公子。  
 應有羊欣七幅裙，筆勢縱橫龍欲舞。  
 三都紙貴勝縑縑，乃予何幸獲荆玉。  
 碧紗深護見氤氳，香繞朱櫺供墨馥。  
 晨宵瞻仰若逢君，猶驚夜半風雷起。  
 化作空中五色雲

寄題切目王子宮

蓬萊之山海中峙，六鼇負負潮噬趾。  
 玉府銀臺知多少，五雲玲瓏金霞紫。  
 切目神殿第幾宮，不老貝闕何歲起。  
 貝闕窈窕屹雙桓，碧磴青蘿水蔥寒。  
水蔥樹名在熊峯



療渴梅泉天淵漿萬古寶燈金鷲丹南山往往金丹  
穴傳是羣仙所窟盤紺穹銀月秋如水芝蓋駸輪駕  
六鸞帝子降來山之阿風颼颼兮珮珊珊鼉鼓雲璈  
神方樂玉醴蕙肴藉芳蘭憶昔元弘草昧年豺虎蚩  
蛟鯨鯢羶王家南狩烟塵昏誰知神光照九乾宮前  
夢回太白高龍飛日月錦旌懸上皇亦曾駐仙蹕  
羽從森森星冕芾宸筵歌奏鳳來聽咨嗟天南富風  
物天南風物天下奇濟勝探討究者誰孫綽天台空  
有賦馬遷禹穴跡難追欲問仙宮吾老矣極目雲海

波一鳴

富士行

太素誠冥漠二儀肇經營盤古皆兒戲釘鉅弄寰瀛  
天開地闢尚傾仄擬建皇極以撐擎六甲運斤鴻濛  
鑿削成天柱何崢嶸西指崑崙東富士然後乾定坤  
亦平礎以巨靈子蛻頭混沌夜泣摩厥疣爾來九九  
六六億萬歲誰道載見存靈秋盤根橫跨千餘里覆  
壓扶桑六十州羲和攬轡飲天池姱娥喘息匿丹丘  
二十八宿旁森羅河漢奔激觸不流神工如此久亦

蠹肉陵芥癬山骨痼帝命祝融灸其育阿香點穴豐  
 隆炷火輪礮碑焚玉石灰起滿天玄霜雨嶽氣清明  
 石脈通但苦火瘡瘤俞跗吾當炎熱駐馬看雪花往  
 往拂金鞍芙蓉八朵拔平地蒼菑六出衝天門轆轤  
 雷霆遠半腹奕奕衆山列維藩天風一拂長雲橫香  
 爐紫烟曉氤氳白帝之孫秦祖龍東海塞裳石作砭  
 鍊鞭鞭石海波血瞻望問津海若龔徐福奏臣有仙  
 骨樓船駕空帆海風員嶠方壺及岱輿富士異稱其  
 實同五雲起處指點是瑤臺銀闕蕊珠宮捐船欲上

神叱咤寶劍拂電光如虹由來瑤草山靈護苟非其  
 人同芥蔥嗚呼福也歸去來予待汝兩腋生羽翼然  
 後駕青鸞與玄螭以迎汝空濛

悼猫

玳瑁柔毛聰夙成鼠輩竄跡夜太平迎來未期何遽  
 去或是畜養未盡情空憶膝上戀主意猶聽階前喚  
 兒聲烏藥籠中恨無功牡丹陰裏夢成空恩存惟蓋  
 今何益燈前老淚眼朦朧

步經歌

延享丁卯春

伯昏瞽人仙去久誰能試立絕壁端戲場今時輕捷  
徒往往空中走雙麟兒言是崎陽客一代絕藝獨  
登壇開場城東建青旗一條長綬天橋危自非兩腋  
生羽翼仰見誰又寸步移麟兒頭帽身紅欄步如調  
馬度康達弄丸揮劍絃且舞雀躍蛙跳一足變有時  
左右鞦韆動觀者膽寒仰嗟咨咄咄皆稱肉飛仙壁  
龍之名未爲奇凡百戲術可學能一絙渡走惟麟兒  
豈是心膽鍊有術不然或是天生爾君不見周道由  
來如砥平危嶮何必使人驚又不見人間萬古行路

難試問君能放手行

讀書懷舊傷先師木公也公以元祿己卯  
俄捐館舍至今既五十年矣當時門人柳氏所  
錄只六十有餘人而今存者僅數人耳茲公  
令姪孫賀藩平七君依題屬詩於門人瑜亦幸  
在數人中遂涕泣以賦韻凡五十非要必合其  
歲數第其情溢詞拙不知篇什自冗長以至此  
云時寬延元年季冬廿三日

歲云莫矣雪濼濼夜牕無人聽松濤竹裏燈花大如

挑白頭讀書代飲羔，憶昔夙心交塞茅。東遊江都擔  
 負叨，公當熙運風雲，遭先驅一世揚其鑣。鱣門高  
 倚金城壕，雉橋春水碧一蒿。公晨盛服臨人曹，昂昂  
 如鶴在九臯。麗澤花開照英髦，滿堂光風穀仰膏。公  
 口醇醇飲以醪，饑來去時飽，淳熬中世我儒多是饕。  
 飲而不食類鮪魴，又如擁劍偏張螯。臨文局踣口空  
 警，公無不兼兼不勞。駑豈同天馬，槽文章四海波。  
 瀾滔道德千年星斗高，程朱欲入請垂橐。鄭馬如逢  
 愧容舫，及門游夏亦皆豪。六瑚四璉金錯刀，羞我雀

躍在蓬蒿雲霄，豈敢望鵬翔。束脩一語銘紳條，十年  
 几杖跋燭操。豈料洪庥躋綈袍，辱知之義更袞袞。欲  
 報寸衷未効毫，仰望蒼蒼首重搔。嗚呼泰山一朝坳，  
 子弟何辜天可誥。音叨疑也居諸倏忽奔丸逃，十指五眠  
 寒食糕老我依舊鋪聖糟。臨卷糝糊陰與陶，疑聞誰  
 從破虎牢。材羹欲熟釜常轆，雨冥冥兮風騷。騷公留  
 不，留心怵怵于澗，于沼不堪。笔方塘千里目靈旄，尤  
 恨忝李逐飄騷。獨憑錦里一鳳毛。

雉橋公第宅地麗澤公書院名方塘公墳塋地昔時巽軒先生挽詞中所謂方塘鑿水是

也、東、脩、一、語、元、祿、己、巳、八、月、廿、二、日、瑜、年、十、四、初、謁、公、公、論、以、學、在、精、勤、因、及、洛、人、某、初、拙、書、學、後、勤、苦、至、工、書、瑜、退、以、勤、名、齋、且、作、記、以、代、紳、畫

已巳歲初作

余時年七十四有後序

四百四十五甲子等閒今朝又相添比孔較大比李  
小向來修短不須占但喜臘梅華始始負暄捲盡湘  
水簾老者自安惟是暖起拜太平風日恬我素人間  
無用客設令有用亦何益惟應嬾眠覺復眠擊壤起  
息亦役役南無本尊陳圖南仙乎釋乎復何擇華始出漢

安世房中歌

夫詩言志無志之可言何必以詩為近世俗者每  
歲且必具篇什甚者臘中腹藁以塞索故大率剽  
竊駢儷足嘔噦耳若夫兒輩初讀三體千家以學  
章句者豈得有情志乎若待其有情思而後吟咏  
則口中荊棘長已三尺矣故姑攬據韻府之活套  
分裂風雲之陳言以習章句之制度耳苟舍之則  
無有學詩法矣予平生無憂患故不能濺杜少陵  
無位而憂國之淚又無歡樂故不能餐李青蓮未  
仙而乘鸞之霞茲養病家居大得睡鄉之趣其樂

不得不言聊朗吟以遣興耳若與鳳曆屠獮之陳腐同唱則何啻逕庭而已哉瑜識

無鸚鵡

隴山有鳥名鸚鵡芙蓉為冠雪為羽朱樓繡戶何時棲玉瑣金籠誰是主隴山萬重夢已非海外相望儔侶稀人語學得更禽語好學花間不如歸

江州僧某以念佛纔開口池中結寶蓮為題請詩及畫聊賦一篇且寫一枝以贈

佛名一念結一蓮十百念來十百蓮千億萬念千億

蓮念念大千皆寶蓮誰知一蓮非一蓮大地山河原一蓮我在蓮中不知蓮一口纔開即是蓮君不見鉢中之蓮火中蓮依然池中念佛蓮

南海先生文集卷之一終

